
William Marrion Branham

Motseta

Eupša ka matšatšing a lentšu la morongwa wa bošup...

Kut 10:7

MATENG

1

MOPOROFETA?

5

TSHEPHIŠO YA MOPOROFETA KA
MATŠATŠING A MAFELELO

9

MATHOMONG

12

MENGWAGA YA BOSWENG

22

PILARA YA MOLLO

28

DIPHIRI TŠE DI UTOLOTŠWEGO

32

METHOPO

Voice Of God Recordings, Inc. ke bodiredi bja tlhakanelo ya dikereke tša maina bjo bo neetšwego go iša pele Ebangedi ya Morena Jesu Kriste. Ke thapelo ya rena gore pukwana ye e tla ba tšhegofatšo go wena gomme e tla go fa kwišišo ye kaonekaone ya iri ye e latilego ye re e phelago.

MOPOROFETA?

Ka Beibeleng, Modimo ka mehla o be a tliša Molaetša wa Gagwe go batho ba lefase ka moporofeta wa lebaka. O boletše le Moshe ka sethogwa se tukago gomme a mo fa thomo go hlahlela Baheberu go tšwa ka Egepeta. Pilara ya Mollo ya go bonala le maswao a mangwe a be a filwe go hlatsetša bodiredi bja gagwe. Johane Mokolobetši o tiišitše Molaetša go lokišetša lefase go tla ga Mesia. Ge a be a sa kolobetša Morena Jesu ka Nokeng ya Jorodane, Lentšu go tšwa Legodimong le ile la tiišetša thomo ya Johane go tsebiša Kwana ya Modimo, “Yo ke Morwa moratwa wa ka, yo Ke kgahlwago ke yena.” Mengwaga ye e latelago, Lentšu la Morena le ile la kwewa gape le bolela le moporofeta ge A be a bolela le Paulo ka Seetša seo se foufatšago, gomme ka morago la mo fa thomo go bea dikereke ka lenaneo. Go kgabaganya Ditastamente ye Mpsha le ye Tala, Modimo ga se a ke a bolela le batho ba Gagwe ka lenaneo la dikereke tša maina goba mokgatlo wa bodumedi. Ka mehla o be a bolela le batho ka monna yo motee: moporofeta wa Gagwe. Gomme O be a hlatsetša baporofeta ba ka maswao a ka godimo ga tlhago.

Eupša go reng ka lehono? Modimo o sa utolla Lentšu la Gagwe go baporofeta? A fao go na le maswao a ka godimo ga tlhago? A Modimo a ka romela moporofeta wa letšatši la sebjalebjale lefaseng? Karabo ke ya maleba kudukudukudu,

“Eye!”

Eupša re ya go tseba bjang ge moporofeta a tsoga? O tla lebelelega bjang? O tla dira bjang? Ke leswao lefe le a tla re fago lona? O tla phethagatša Mangwalo afe?

Baporofeta ba kgale e be e le banna ba bogale ba Modimo, gomme ba be ba sa boife go ema kgahlanong le mekgatlo ya bodumedi. Gabotse, ba be gabotse ka mehla ba kgehlemanywa ke baruti. Eliya o ile a hlohla mekgatlo ya bodumedi ya letšatši la gagwe, a ba botšiša ge eba Modimo o be a tla hlompha moneelo wa bona, goba wa gagwe. Ba goelela. Ba porofeta. Ba tabogela ka godimo ga aletara. Ba itshega ka dithipa. Eupša Modimo ga se a ke a ba kwa. Eliya a lebelela godimo Legodimong a re, “A nke go tsebje letšatši le gore ke wena Modimo ka go Israele, le gore ke nna mohlanka wa gago, le gore ke dirile ka moka dilo tše ka lentšu la gago.” A nape a bitša mollo go theoga go tšwa Legodimong wa tšhuma moneelo. Mika moporofeta o ile a emelana le Kgoši ya Israele, le boprista ka moka, ge a sola Moprista yo Mogolo Zedekia ge a porofetile maaka. Moprista yo Mogolo a mo ratha sefahlegong gomme Kgoši a mo golegela go bolela therešo. Le Morena Jesu o be a hloilwe kudu ke mekgatlo ya bodumedi ya letšatši la Gagwe go fihla ge ba Mmapola mmogo go bapela le dikebekwa tše šorošorošoro. Ge historie e swere therešo, moporofeta o hloiwā ke tshepediši ya sebjalebjale ya dikereke tša maina, gomme o tla bitšwa lehlanya, moporofeta wa maaka, goba go befa kudukudukudu. Eupša Modimo o tla ema kgauswi le mohlanka wa Gagwe.

Ge e ba fao go na le moporofeta mo letšatšing la sebjalebjale, a ka amogelwa bjang ke Kereke ya Katoliki? Kereke ya Baptist? Kereke ya Luthere? Kereke efe kapa efe ya leina?

Morena Jesu o romile bohole ba Mo dumelago: *Gomme maswao a a tla latela bao ba dumelago; Ka leineng la ka ba tla rakela bodiabolo ntle; ba tla bolela ka maleme a maswa; Ba tla tšeela diserpente godimo; gomme ge ba ka nwa selo sefe goba sefe se se bolayago, se ka seke sa ba gobatša; ba tla bea diatla*

godimo ga balwetši, gomme ba tla fola." (Mareka 16:17-18) A Lengwalo le ke therešo lehono? Ge e se therešo, Mantšu a Morena a moyafetše neng? Go kgabola Beibele, baporofeta ba be ba kgora go fodiša balwetši, ba rakela bodiabolo ntle, gomme ba dira mehlolo. Moshe o ile a bea serpente ya mphiri pele ga batho ba Israele go ba fodiša go tšwa go longweng ke dinoga tša mpholo (Numeru 21:9). Naamane, Mosiria wa maatla, o ile a tla go Elisa go tla go fodišwa lephera (II Dikgoši 5:9). Ge monna yo moswa a wela lehu la gagwe go tšwa lefasetereng la godimogodimo, moapostola Paulo o ile a mo gokarela gomme a tliša bophelo morago ka mmeleng wa gagwe wa go hwa (Ditiro 20:10). Re na le feela rekhote ya e ka ba $3\frac{1}{2}$ ya mengwaga ya bophelo bja Morena wa rena Jesu, eupša lebakeng la mengwaga yeo e sego mekae, O tšwetše pele a fodiša balwetši. Difofu di be di dirwa gore di bone. Balephera ba be ba fodišwa. Difowa di ile tša amogela go kwa ga tšona. Digole tša sepela. Mohuta wo mongwe le wo mongwe wa bolwetši o ile wa fodišwa (Mat 4:23).

Modimo gape o hlatselše baporofeta ba gagwe ka ditsela tše dingwe ntle le diphodišo. Le diphiri tše di bego di šireleeditšwe kudukudukudu tša pelo di ile tša dirwa gore di tsebje go banna ba ba Modimo. Kgoši Nebukadenetsara o bile le toro ya go fa mathata, eupša ga se a ke a kgora go elelwa gore e be e le ka eng. Moporofeta Daniele o ile a botša kgoši mmogo toro le seporofeto seo se bego se tla latela (Dan 2:28). Ga go selo se se bego se utagetše go Solomone ge Mohumagadi wa Sheba a etla pele ga gagwe. O be a tletše kudu ka Moya go fihla ge a mmotša dipotšišo tša pelo ya gagwe *pele* a ka di botšiša (I Dikgoši 10:3). Elisa o boditše Kgoši ya Israele dipolane ka moka tša Kgoši ya Syria, le mantšu a ka sephiring ao a boletšwego ka kamoreng ya marobalo (II Dikgoši 6:12).

Ka ditiro tša Gagwe mong, Morena Jesu o be a fela a laetša gore Moya wo wa go fenyeka ke Moya wa Kriste. O ile a fenyeka tlhago ya Nathaniele ge A rile, “Bonang Moisraele wa nnete, yo ka go yena go se nago bomenetša!” Gomme Jesu a tšwela pele a botša Nathaniele fao a bego a le gona ge Filipi a be a mmotša ka Mesia (Johane 1:48). Ge Nathaniele a bone gore Jesu o be a tseba pelo ya gagwe, ka pela a Mo lemoga bjalo ka Kriste. Nako ya mathomo Jesu ge a bona Petro, O ile a mmotša leina la tatagwe, Jona (Johane 1:42). Petro ka gona a napa a tlogela tšohle gomme a latela Jesu bophelo bja gagwe ka moka. Jesu o ile a kopana le mosadi wa Samaria sedibeng gomme a mmotša dibe tša gagwe tše di fetilego. Mantšu a gagwe a mathomo e bile, “Mohlomphegi, ke a bona gore o moporofeta” (Johane 4:19). Ka moka batho ba bararo ba ba be ba etšwa mesepelong ya go fapana ya bophelo, go le bjalo ka pela ba lemoga Jesu ge A be a laetša mpho ya phenyeko.

A mpho ye ile ya timelela ge letlaka la mafelelo la Beibele le ngwalwa? Ge mehlolo ye e ngwadilwe pepeneneng ka Beibeleng, e kae lehono? Moporofeta wa letšatši la sebjalebjale ka nnete o tla bonagatšwa ka mehlolo.

A na Modimo o lebetše batho ba Gagwe? A O sa kgona go fodiša balwetši? A O sa bolela le rena ka baporofeta ba Gagwe? A yo mongwe wa baporofeta o bonetše letšatši le pele?

A fao go na le diporofeto tše di swanetšego go phethagatšwa?

TSHEPHIŠO YA MOPOROFETA KA MATŠATŠINGA MAFELELO

Wona mantšu a mafelelo a ngwadilwego ka Tastamenteng ye Tala a fa tshephišo ye: “**Bonang, Ke tla le romela Eliya moporofeta pele ga go tla ga letšatši le legolo le le šiišago la MORENA: Gomme o tla bušetša pelo tša botate go bana, le pelo tša bana go botatago bona, go sego bjalo Ke tla tla ka itia lefase ka thogako.**” (Mal 4:5-6)

Letšatši le legolo le le šiišago la Morena le sa tla, ka fao re swanetše go lebelela moporofeta Eliya ka tlhokofalo. Ka Beibeleng, baporofeta ba be ba sa tle go moela mogolo wa mekgatlo ya bodumedi. Ba tlie go ba ba kgethilwego ba sego nene. Eleletša ge moporofeta wa Maleaki 4 a tlie, gomme a phošwa. Go ka reng ge e ba o swana le baporofeta ba kgale, gomme feela batho ba go tlala seatla ba mo lemoga? Ge moporofeta yo e le wa go bowa ka letšatši la mafelelo, re tla mo tseba bjang? Karabo ka go ba molaleng e bonwa ka Mangwalong. O tla ba le tlhago ya moporofeta. O tla tseba diphiri tša pelo. O tla dira mehlolo. Mekgatlo ya bodumedi e tla leka go mo rola dihlora. Eupša fao go tla ba ba ba kgethilwego e sego ba bakae ba tlago go mo lemoga bjalo ka motseta yo a tshephišitšwego wa letšatši.

Re tla tseba bjang ge Eliya a bowa? Ke dimelo dife tše a tla di pealatšago gore re kgone go mo lemoga?

Eliya e be e le monna wa lešoka. Maswao a magolo le dimaka di be di latela bodiredi bja gagwe. O rerile kgahlanong le mabobe a letšatši la gagwe. Ka go kgethega o rerile kgahlanong le go hloka maitshwaro

ga Mohumagadi Jezebele. Ge Eliya a tšeelwa godimo Legodimong ka koloi ya mollo, moyo wa gagwe wa wela godimo ga Elisa. Maswao a magolo le dimaka ka gona tša swaya bodiredi bja Elisa, gomme le yena a rera kgahlanong le dibe tša lefase. Bohle baporofeta ba eme gotee kgahlanong le mekgatlo ya bodumedi ya letšatši leo. Makgolo a mengwaga ka morago, moyo wo o swanago wa bowa lefaseng ka go Johane Mokolobetši. Moporofeta Maleaki a bolella pele gore Eliya o be a tla bowa go tsebiša Morena: “*Bonang, Ke tla romela motseta wa ka, gomme o tla lokiša tsela pele ga ka...*” (Maleaki 3:1). Johane Mokolobetši o be a le therešo go fomo ge a be a biletša tshokologong magareng ga bana ba Modimo. Bjale ka Eliya, o rerile kgahlanong le kgoši le mekgatlo ya sebjalebjale ya bodumedi. Morena Jesu o tiišeditše gore Johane Mokolobetši e be e le moporofeta wa Maleaki 3 ka go Puku ya Mateo (11:10): “*Ka gore yo ke yena, go ngwadilwego ka yena, Bonang, Ke roma motseta wa ka pele ga sefahlego sa gago, yo a tlago go lokiša tsela ya gago pele ga gago.*” Luka 1:17 e bolela gore moyo wa Eliya (Eliase) o be o swanetša go ba ka go Johane Mokolobetši, “*Gomme o tla ba eta pele ka moyo le ka maatla a Eliase, go bušetsa dipelo tša botate go bana.*” Eupša ela hloko gore karolo ya bobedi ya Maleaki 4 e be e se ya be ya phethagatšwa: “*...le pelo tša bana go bo tatago bona, gore Ke seke ka tla gomme ka otla lefase ka thogako.*” Karolo yeo ya Lengwalo e tla tla go phethega pele ga Go Tla la Bobedi ga Kriste.

Dikete tše pedi tša mengwaga ka morago ga Johane Mokolobetši, ke nako gape gore moyo wa Eliya o boele lefaseng.

Letšatši leo le tlide! Mo lebakeng le, re bone moyo wa Eliya o boile. O ganne tshepedišo ya kereke tša maina ya sebjalebjale. O eme kgahlanong le dibe tša lefase. O laeditše maswao le dimaka tša go se balege. O rerile Beibele lentšu-

ka-lentšu go tloga go Genesi go fihla go Kutollo. Moporofeta wa Maleaki 4 o tlie bjalo ka ge go tshephišitšwe, gomme o tlišitše Molaetša go tšwa Teroneng ya Ramaatlaohle Modimo. Leina la moporofeta yoo ke **William Marrion Branham**. Re mmitša “Ngwanešu Branham.”

“William Branham, yo ke mo ratilego le go mo dumela go ba moporofeta wa Modimo.” Oral Roberts, moebangedi wa go tsebega-lefaseng le mothomi wa Oral Roberts University.

“William Branham o tlie tseleng ya rena bjalo ka moporofeta wa Modimo gomme a re laetša ka go ngwagakgolo wa masomepedi tlwa dilo tše di swanago tseo ra go di laetšwa ka go Diebangedi...Modimo o etetše batho ba Gagwe, ka gore moporofeta yo mogolo o tsogetše godimo magareng ga rena.” Ngak. T.L. Osborn, moebangedi wa Pentecost le mongwadi wa go phethagatša.

“Pele ga ge a rapelela motho, o tla fa ditaba ka botlalo tša nepagala mabapi le mefokolo ya motho, gomme gape le ditaba ka botlalo tša maphelo a bona – toropokgolo ya bona, mešomo, ditiro – gape le tsela morago ka bjaneng bja bona. Branham ga se a ke gatee a dira phošo ka lentšu la tsebo go ka moka mengwaga ge ke be ke na le yena. Seo se akaretša, **ka tabeng ya ka, mehlala ye dikete.**” Ern Baxter, moebangedi, molaodi wa Dikhampheine tš Branham mengwaga ye e šupago, le yo motee wa baetapele ba setlogo ba British New Church Movement.

E sego go tloga fale Morena Jesu Kriste a sepetšego lefase monna o kile a ama lefase ka tsela ye ya go itlhaola. Go tloga go mathomo a go kokobela ka gare ga ngwakwana wa dikota wa kamora e tee ka dithabeng tša Kentucky, go fihla Amarillo Texas fao Morena a go mo tseela Gae, bophelo bja gagwe go tšwelapele bo be bo swaiwe ke ditiragalo tša ka godimo ga tlhago. Ka tšhupetšo ya Morongwa wa Morena ka 1946, bodiredi bja Ngwanešu Branham bo tšweleditše tlhase ye ya go gotetša lebaka la ditsošeletšo tše kgolo tša phodišo tseo tša go swiela go kgabola Amerika le go dikologa lefase. Go fihla letšatši le, o amogelwa ke borehistori ba Bokriste bjalo ka “tate”

le "mmeakanyalebelo" wa tsošeletšo ya phodišo ya bo 1950 yeo ya go fetola Kereke ya Pentecost gomme ka pele ya fa go tsoga ga mokgatlo wa Semoya, woo lehono o huetšago e ka ba kereke ye nngwe le ye nngwe ya leina ya Maporotesetenta. Go le bjalo, therešo go fomo, dikereke tša maina di fokotša dithuto tša gagwe gomme di gana thomo ya gagwe.

Mo gohle a bego a eya, Modimo o hlatsetše gore Ngwanešu Branham ke moporfeta go moloko wo. Bjalo ka Jobo, Morena o boletše le yena ka sesaeseding. Bjalo ka Moshe, Pilara ya Mollo e bonwe e mo hlahlala. Bjalo ka Mika, o ile a swaswalatšwa ke barute. Bjalo ka Eliya, e be e le monna wa lešoka. Bjalo ka Jeremia, o ile a rongwa ke Morongwa. Bjalo ka Daniele, o ile a bona pono ya bokamoso. Bjalo ka Morena Jesu, o ile a tseba diphiri tša pelo. Gomme bjalo ka Paulo, o ile a fodiša balwetsi.

Morena gape o etetše batho ba Gagwe ka moporfeta. Ka nakong ya leswiswiswiswiswi ka historing, fao boitshwaro bo subeletšego mabotebong ga se gwa ke pele gwa bonwa dibetša tša tshenyo ka mokgobo di kukutlologa ka lehlakoreng, monna wa go kokobela o ile a rongwa go tšwa bogoneng bja Modimo go biletša setšhaba se se hwago tshokologong.

Morutiwa wa go ratega Johane o ngwadile ka Morena Jesu:

Gomme fao gape go na le dilo tše dingwe gape tšeoj Jesu a di dirilego, tšeoj, ge di be di ka ngwalwa se sengwe le se sengwe, ke gopola gore le lefase ka bolona le be le ka se kgone go swara dipuku tšeoj di bego di tla be di ngwadilwe. Amene. (Johane 21:25)

Se se swanago se ka kgona go bolelwa ka bophelo bja Ngwanešu Branham. Fao go na le dithero tša go feta 1,200 tše di theipilwego ka disetori tše dikete ka bophelo bja monna yo wa mogale. Go le bjalo re tšwela pele re ekwa mabopaki a maswa a khuetšo ya gagwe godimo ga maphelo a dimilione tša batho. Pukwana ye e ka se kgone go ngapa lebato le boima bjo monna yo wa Modimo a bilego le bjona go lefase.

MATHOMONG

“Ge ke belegwa ka gare ga ngwakwana wa dikota wo monnyane wa Kentucky godimo kua, Morongwa wa Morena o tlie ka lefasetereng gomme a ema fao. Fao go be go le Pilara ya Mollo.”

Leselaphuthiana le be le sa thoma go hlabalabesewi la botshedidi bja lefaufau la Aporele. Le letee, la kota lefaseterere la emelela go bulega go dumelala seetša sa mosong go tsena ka gare ga kamora e tee ya ngwakwana wa dikota. Robini e eme kgauswi le lefaseterere e be e bonala e thantshetšwe ka go ikgetha mosong wo gomme e be e opela bokagodimo ga maswafo a yona. Ka gare ga ngwakwana wa dikota, Charles Branham wa go tlala boswa a beile diatla tša gagwe ka go para ye mpsha-mpsha ya dioborolo gomme a lebeletše fase go mosadi wa gagwe wa 15 ya mengwaga ka bokgale. “Re tla bitša leina la gagwe William,” gwa rialo tate.

Ka lefasetereng gwa tla Seetša sa ka godimo ga tlhago. Seetša sa sepela go kgabola kamora gomme sa akalala bokagodimo ga mpete fao ngwana a bego a sa tšwa go tswalwa. Se e be e le Seetša se se swanago seo se ntšhitšego bana ba Baheberu go tšwa Egepete. E be e le Seetša se se swanago seo sa go kopana le Paulo tseleng ya gagwe go ya Damasekose. Gomme Se be se tla hlahlalangwana yo monnyane yo go biletša Monyalwa wa Kriste ka ntle ga lefase. Seetša seo e be e se yo mongwe ge e se Morongwa wa Morena, Pilara ya Mollo; gomme gatee gape E bonagetše go monna.

Gomme ka kua, ka gare ga ngwakwana wo wa dikota, mosong woo wa Aporele 6, mmelegiši o ile a bulela lefaseterere godimo gore seetša se kgone go bonega ka gare go dira Mme le Papa ba kgone go bona gore ke be ke lebelelega bjang. Nako yeo Seetša e ka ba sa bogolo bja mosamelo sa tla ka gare se dikologa ka lefaseterere. Se ile sa rarela go dikologa fao ke bego ke le gona, gomme sa ya tlase godimo ga mpete. Ba malwa ba batho ba thaba ba be ba eme fao. Ba be ba lla.



Lefelo la bobelegelo bja William Branham, Burkesville, KY.

Legae la go kokobela le be le le ka dithabeng tša borwa bja Kentucky, kgauswi le toropo ye nnyane ya Burkesville. Letšatšikg wedi e be e le Aporele 6, 1909. Ngwana e be e le wa mathomo wa bana ba lesome bao ba bego ba tlide go tswalwa ke Charles le Ella Branham.

E be e se botelele pele Morongwa wa Morena a etela William Branham yo moswa gape.

Ge e sa le ngwana, Morongwa o boletše la mathomo le yena, gore o be a tla phela bophelo bja gagwe kgauswi le toropokgolo ye e bitšwago New Albany. O ile a ya ka ntlong gomme a botša mmagwe seo se bego se sa tšwa go direga. Bjalo ka mme yo mongwe le yo mongwe, ga se a ke a gopola kudu ka setori gomme a mmea mpeteng go mo homotša megalatšhika ya gagwe ye mennyanne. Mengwaga ye mebedi ka morago, lapa la gabu la šuthela Jeffersonville Indiana, dimaele di se kae feela go tšwa borwa bja toropokgolo Indiana ya New Albany.

Morongwa gape a bolela le moporofeta yo moswa mengwaga e sego mekae ya go latela. E be e le letšatši la go homola la Setemere ka letšatši le borutho le phadima go kgabola matlakala a mebalabala a lehlabula. Mothaka o be a kaela ka ge a be a rwele emere tše pedi tša meetse go theoga mmila. Mogwang wa mabele o be o tlemeletšwe ka fase ga monwana wa gagwe wa go gobala go o šireletša go

tšila. O ile a dula fase go khutša ka morithing wa mohlare wa mopopolere wo motelele. Megokgo e be e ela go tšwa mahlong a gagwe ka ge a be a lla ka baka la go hloka mahlatse ga gagwe: Bagwera ba gagwe ba be ba ipshina ka bobona ka moleteng wa tikologo wa go thea dihlapi, gomme o be a tantšwe ka go gela tatagwe meetse. Ka pela, phefo ya thoma go dikologa ka mohlareng bokagodimo bja gagwe. O ile a phumula mahlo a gagwe gomme a ema ka maoto a gagwe. O ile a kwa modumo wa matlakala a tšutla ka phefong...eupša fao go be go se phefo. O ile a lebelela godimo, gomme e ka ba seripa sa tsela godimo ga mohlare wa mopopolere, selo se sengwe se se be se dikološa matlakala a go omelela.

Ka pela Lentšu la bolela, “O seke wa nwa goba go kgoga goba go tšhilafatša mmele wa gago ka tsela efe goba efe, fao go tla ba mošomo wa gago wo o tlago go o dira ge o eba yo mogologolo.” Mošemane yo a bego a tšhogile wa mengwaga ye šupa ka bokgale a lahla emere ya gagwe gomme a tšabelo go mmagwe.

Bjalo ka moporofeta Samuele, Modimo gape o ile a bolela le ngwana.

Dibeke di se kae ka morago, o be a bapala dimabolo le ngwanabo yo monyennyane. Maikutlo a go se tlwaelege a tla godimo ga gagwe. O ile a lebelela ka ntle bokagodimo ga Noka ya Ohio gomme a bona leporogo le lebotse. Banna ba lesometshela ba wela go lehu la bona ge leporogo le kgabaganya noka. Moporofeta yo moswa o ile a bona pono ya gagwe ya mathomo. O ile a botša mmagwe, gomme o ile a ngwala setori sa gagwe fase. Mengwaga ye e latelago, banna ba 16 ba wela go lehu la bona ge leporogo la Seterata sa Bobedi ka Louisville, Kentucky le be le agiwa bokagodimo ga Noka ya Ohio.

**Morena o be a mo laetša dipono tša bokamoso.
Gomme bjalo ka baporofeta pele ga gagwe,
dipono ga se tša ke tša feila.**

MENGWAGA YA BOSWENG

Go kgabola bophelo bja gagwe, Ngwanešu Branham o be a hlologelwa go ba ka lešokeng. Ka mengwaga ye 18, o ile a tlogela Indiana go ya dithabeng tša makgwakgwa tša bodikela. Go dula ga gagwe ka Arizona ga se nke go fetše botelele pele a gapeletšega go bowa.

Letšatši le lengwe ke ile ka tšea sephetho sa gore ke be ke hweditše tsela ya go fediša pitšo yeo. Ke be ke eya ka ntle bodikela go šoma ka morakeng. Mogwera, Modimo e no ba yo mogolo ntle kua go no swana le ge A le kae kapa kae. A nke o boelwe ka boitemogelo bja ka. Ge A go bitša, Mo arabele.

Mosong wo motee ka Setemere ka ngwaga wa 1927, ke ile ka botša mme gore ke be ke eya leetong la kampa ka Tunnel Mill, e ka bago dimaele tše lesomenne go tloga Jeffersonville fao re bego re dula ka nako yeo. Ke be ke šetše ke polanne leeto la go ya Arizona le bagwera. Ge Mme a ekwa go tšwa go nna gape, ke be ke se ka Tunnel Mill eupša ka Phoenix, Arizona, ke tšhaba go tloga go Modimo wa Lerato. Bophelo bja morakeng e be e le bjo bobose lebakanyana, eupša ka pela bo a tšofala, go swana le maipshino a mangwe le a mangwe a lefase. Eupša a nke ke re re fa, Tumišang Modimo, ka gore boitemogelo ka Jesu go gola go ba bjo bobosebose le bobosebose nako ka moka gomme ga bo tšofale. Jesu o fa khutšo ye e phethagetšego le khomotšo ka mehla.

Dinako tše ntši ke kwele phefo e tšutla go kgabola mephaene ye meteletele. Go be go bonala o ka re ke be nka kgona go kwa Lentšu la Gagwe le bitša kgole ka ntle ka sethokgweng, le re, "Adama, o go kae?" Dinaledi di be di bonala go ba kgauswi kudu mo o bego o ka kgona go di topa ka diatla tša gago. Modimo o be a bonala go ba kgauswi kudu.

Selo se setee ka naga yela ke ditsela ka leganateng. Ge o kile wa tloga tseleng, o timela ga bonolo kudu. Dinako tše ntši kudu baeti ba bona matšoba a mannyane a leganata gomme ba ya go tšwa go tsela ya lephefo go a topa. Ba tsekella kgole ka leganateng

gomme ba a timela gomme nako ye nngwe ba hwa ka lenyora. Ka fao ke tsela ya Bokriste – Modimo o na le tsela ya lephefo. O bolela ka yona ka go Jesaya, ya 35 tema. E bitšwa “Tsela ya lephefo ya Bokgethwa.” Dinako tše ntši maipshino a mannyane a lefase a go goga go tšwa tseleng ya lephefo. Ka gona o lahlegetšwe ke boitemogelo bja gago le Modimo. Ka leganateng ge o lahlegile, fao nako ye nngwe go bonala meetsekpolo. Go batho bao ba hwago ka lenyora, meetsekpolo e tla ba noka goba letsha. Dinako tše ntši batho ba kitima ka morago ga wona gomme ba wela ka go wona eupša feela go no hwetša ba hlapa ka gare ga lešabašaba la go fiša. Nako ye nngwe diabolo o go laetša selo se sengwe seo a rego ke nako ye botse. Seo e no ba go goka kgopol, ke selo se sengwe seo e sego sa nnete. Ge o ka theeletša o tla ikhwetša ka bowena feela o kgabola manyami godimo ga hlogo ya gago. O seke wa mo šetša, mmadi yo a rategago. Dumela Jesu yo a go fago meetse a a phelago go bona ba ba swerwego ke tlala le go nyorwa.

Letšatši le lengwe ke ile ka hwetša lengwalo go tšwa gae le mpotša gore yo motee wa banešu baka o be a babja kudu. E be e le Edward, yo motee kgauswi le nna. Go le bjalo ke ile ka gopola gore e be e se ya tlhokofalo, ka fao ke ile ka dumela gore o be a tla ba ka moka gabotse. Eupša manthapama a mangwe matšatši a se makae ka morago ge ke be ke etla go tšwa toropongkgolo ke fetile go holo ya marole ka morakeng, gomme ka bona pampiri godimo ga tafola. Ka e topela godimo. E balega, “Bill, etla ka ntle ka mafulong a lebowa. Go bohlokwa kudu.” Ka morago ga ge ke badile tsebišo mogwera le nna ra sepelela ntle go ya mafulong. Motho wa mathomo ka go kopana le yena e be e le Naledi Monoši wa kgale lerentšara le le bego le šoma morakeng. Leina la gagwe e be e le Durfy, eupša re be re mmitša “Pop.” O be a na le ponagalo ya manyami sefahlegong sa gagwe ge a re, “Billy mošeman, ke go swaretše ditaba tše mpe tša gago.” Ka nako yeo foromane a tla a sepelela godimo. Ba mpotša gore thelekeramo e be e sa tšwa go fihla, e mpotša ka lehu la ngwanešu wa ka.

Mogwera morategi, lebakana ga se ka ke ka kgora go šutha. E be e le lehu la mathomo ka lapeng la gešu. Eupša ke rata go bolela gore selo sa mathomo ka go nagana ka sona e bile gore a o be a loketše go hwa. Ge ke retologa go dikologa gomme ke lebelela go kgabaganya diphoreiri tše kheri, megokgo ya kitima go theoga

marama a ka. Ka fao ka go gopola ka fao re bego re tlhaka mmogo ge re be re sa le mašumane a mannyane le ka fao go bego go le bothata go rena.

Re be re eya sekolong re se na le mo go lekanetšego re ka go jago. Menwana e be e tšwetše ka ntle ga dieta re be re swanelwa ke go apara dijase tša kgale tša go koromelwa godimo molaleng ka baka la gore re be re sa apare dihempe. Ke gopola gape fao letšatši le lengwe Mme a bego a na le dikipikipi ka emereng e le dijo tša mosegare. Re be re sa je le bana ba bangwe. Re be re sa fihlelele dijo go swana le ka fao ba bego ba na le tšona. Ka mehla re be re fela re ngwegela thabeng gomme re eja. Ke gopola letšatši le re be re swere dikipikipi, re be re gopola gore e be e le tshwaro botse ya nnete. Ka fao go ba le bonneta bja gore ke be le kabelo ya tšona, ke ile ka ya pele ga sekgalela ka tšea gotlala seatla mo go botse pele ngwanešu wa ka a hwetša kabelo ya gagwe.

Ka gona ke eme fao ke lebeletše diphoreiri tše di bego di tswakilwe ke letšatši ke ile ka gopola ka moka dilo tše gomme ka makala ge e ka ba Modimo o mo tšeetše lefelong le lekaonekaone. Nako yeo gape Modimo a mpitša, eupša bjale ka mehleng, ka leka go e lwantšhetša gore e tloge.

Ke ile ka lokišetša go tlela poloko gae. Ga Mor. McKinny wa Kereke Port Fulton, monna yo a nogo go no swana le tate go nna, a rera lehu la gagwe o dirile go bolela gore, "Fao go ka no ba go le ba bangwe fa ba ba sa tsebego Modimo, ge go le bjalo, Mo amogeleng bjale." Oo ka fao ka go kgomarella setulo sa ka, Modimo o be a šoma gape. Mmadi yo a rategago, ge A bitša, Mo arabele.

Nka se tsoge ka lebala ka fao Tate le Mme ba go tšofala ba go šokiša ba go lla ka gona ka morago ga poloko. Ke be ke nyaka go ya morago Bodikela eupša Mme o ile a nkgopela kudu go dula go fihla mafelelong ke dumela go dula ge ke be nka kgona go hwetša mošomo. Ka pejana ka hwetša mošomo le Khamphane ya Tirelo tša Setšhaba ya Indiana.

E ka ba mengwaga ye mebedi ya go latela ge ke be ke hlahlofa dimetere ka kgwebong ya dimetere ya Gas Works ka New Albany, ke ile ka bekišwa ke gase gomme dibeke ka tlaišega ka yona. Ke ile ka ya go dingaka ka moka tše ke bego ke di tseba. Ga se kake ke kgona go hwetša go imologa. Ke be ke tlaišega ka esiti ya mogodu, e hlotšwe ke go angwa ke gase. E ile ya gola kudukudukudu

dinako ka moka. Ke ile ka tšewa ka išwa go bo mahlwaadibona ka Louisville, Kentucky. Mafelelong ba ile ba re e be e le aphentiki gomme ba re ke be ke swanetše go ba le ophareišene. Ga se ka ke ke kgona go e dumela ka baka la gore ke be ke se ka ke ke be le bohloko ka lehlakoreng la ka. Dingaka di ile tša re di be di ka se sa kgona go ntirela selo go fihla ke bile le ophareišene. Mafelelong ka dumela gore e dirwe eupša ka gapeletše gore ba šomiše anasetetiki sa tikologo gore ke kgone go bogela ophareišene.



Oo, ke be ke nyaka yo mongwe go ema kgauswi le nna yo a bego a tseba Modimo. Ke be ke dumela thapelong eupša ke sa kgone go rapela. Ka fao modiredi go tšwa go Kereke ya First Baptist o ile a ya le nna ka kamoreng ya ophareišene.

Ge ba ntšea go tloga tafoleng go ya mpeteng wa ka, ke ile ka ikwa ka bona ke e ba mofokodifokodi le mofokodifokodi nako ka moka. Pelo ya ka e be e sa rethethe le gannyane. Ke ile ka kwa lehu godimo ga ka. Mohemo wa ka o be

o eba wo mokopanakopana nako ka moka. Ke ile ka tseba gore ke be ke fihlile mafelelong a tsela ya ka. Oo mogwera leta go fihla o etla fao gatee, ka gona o tla gopolka ka dilo tše ntši tše o di dirilego. Ke be ke tseba gore ke be ke se ka ke ka kgoga, go nwa goba go ba le mekgwa ye e itšego ya go se hlweke eupša ke be ke tseba gore ke be ke se ka lokela go gahlana le Modimo wa ka.

Mogwera wa ka ge o no ba feela leloko la kereke ya go tonya ya go iketla, o tla tseba ge o fihla mafelelong gore ga se wa lokela. Ka fao ge seo e le ka moka se o se tsebago ka Modimo wa ka, ke go kgopela thwi fa go ya fase ka matolo a gago gomme o kgopele Jesu go go fa boitemogelo bjoo bja go tswalwa gape, go swana le ka fao A boditšego Nikodemo ka go Johane tema ya 3, gomme oo ditloloko tša lethabo di tla lla bjang. Tumišang Leina la Gagwe.

Gwa thoma go gola leswiswiswi ka kamoreng ya sepetlele, mo o ka rego e be e le ka dithokgweng tše kgolo. Ke be ke kgona go kwa phefo e tšutla go kgabola matlakala, go le bjalo go be go bonagala

e le tsela ye kgolo kgole go tloga sethogweng. Go molaleng gore o ile wa kwa modumo wa phefo ge e tšutla matlakala, e etla kgauswiuswi le kgauswiuswi le wena. Ka gopola, "Go lokile, le ke lehu le tla go ntše." Oo! soulo ya ka e be e swanetše go kopana le Modimo, ka leka go rapela eupša ka seke ka kgona.

Kgauswiuswi phefo e be e etla, kudukudu le kudukudu. Matlakala a phaphasela gomme gatee ka moka, ke be ke ile.

Gwa bonala nako yeo gore ke be ke le morago gape mošemane yo monnyane wa maoto a go se rwale, ke eme ka mothalong ka tlase ga mohlare wo o swanago. Ka kwa Lentšu lela le swanago lela la gore, "O seke wa tsoge wa nwa goba go kgoga." Gomme matlakala a ke a kwelego e be e le a a swanago ao a go foka ka mohlareng wola letšatši lela.

Eupša ka ye nako Lentšu la re, "Ke go beditše gomme ga se wa ke o e ya." Le ile la bušeletša lekga la boraro.

Ka gona ka re, "Morena, ge yo e le Wena, ntumelele ke ye morago gape lefaseng gomme ke tla rera Ebangedi ya Gago go tšwa dintlhoraneng tša ntlo le dikhoneng tša diterata. Ke tla botša yo mongwe le yo mongwe ka yona!"

Ge pono ye e fetile, ka hwetša gore ga se kake ka ikwa bokaonekaone. Mmui wa ka o be a sa le ka moagong. O ile a tla gomme a lebelela go nna gomme o be a maketše. O be a lebelelega mo o karego o be a gopola gore ke be ke tla be ke hwile, ka gona a re, "Nna ga ke monna wa go ya kerekeng, mošomo wa ka ke o mogolo kudu, eupša ke a tseba Modimo o etetše mošemane yo." Ke lebaka la eng a bolela seo, ga ke tsebe. Ga go le yo motee a ilego a bolela eng kapa eng ka yona. Ge nkabe ke be ke tseba nako yeo seo ke se tsebago bjale, nkabe ke ile ka tsoga go tšwa mpeteng wola gomme ka goelela Tumišang Leina la Gagwe.

Ka morago ga matšatši e se makae ke ile ka dumelwelwa go boela gae eupša ke be ke sa babja gomme ke be ke gapeletšega go rwala digalase mahlong a ka ka baka la ditlogelwa ke ophareišene. Hlogo ya ka e be e šišinyega ge ke lebelela eng kapa eng lebakanyana.

Ke ile ka thoma go ya ntle go nyaka le go hwetša Modimo. Ke ile ka ya go tloga kerekeng go ya kerekeng, ke leka go hwetša lefelo le le itšego fao go bego go na le pitšo aletareng ya fešene ya kgale. Karolo ya manyami e bile gore ga se kake ke hwetša le le letee.

Ke ile ka bolela gore ge nkile ka ba Mokriste, ke nnete ke tla ba yo motee. Modiredi yo a go nkwa ke dira tshwao yeo o ile a re, "Bjale Billy mošemane, o ya phapogong ya bohlanya." Ke ile ka bolela gore ge nkile ka hwetša bodumedi, ke be ke nyaka go ikwela bjona ge bo be bo etla, feela bjale ka ge barutiwa ba dirile.

Oo tumišang Leina la Gagwe. Ke ile ka hwetša bodumedi ka morago gomme ke sa na le bjona, gomme ka thušo ya Gagwe, ke tla bo boloka ka mehla.

Bošegong bjo bongwe ke ile ka swarelwa Modimo ke tlala gomme boitemogelo bja nnete bjo ke ilego ka ya ka ntle go mokutwana wa kgale ka morago ga ngwako gomme ka leka go rapela. Ke be ke sa tsebe gore nka rapela bjang ka gona ka fao ke ile ka no thoma go bolela le Yena go swana le ge ke be ke dira yo mongwe le yo mongwe gape. Ka moka gatee fao go ile gwa tla Seetša ka mokutwaneng gomme sa dira sefapano gomme Lentšu go tšwa sefapanong la bolela le nna ka leleme leo ke bego ke sa kgonego go le kwišiša. Ka nako yeo sa ya go tloga. Ke be ke gogegile maikutlo. Ge ke boile go bonna gape ka rapela, "Morena, ge yeo e le Wena, ka kgopelo etla o bolele le nna gape." Ke be ke bala Beibele ya ka e sa le mola ke be ke le gae go tšwa sepetlele gomme ke be ke badile ka go I Johane 4, "Baratwa, le seke la dumela meoya ka moka, eupša e lekeng ge eba ke ya Modimo."

Ke be ke tseba gore moyo o ile wa tšwelela go nna gomme ge ke be ke rapela o ile wa tšwelela gape. Ka gona go ile gwa bonala go nna o ka re fao dikete tša diponto di be di kukilwe go tloga soulong ya ka. Ke ile ka tabogela godimo gomme ka kitimela ntlong gomme go be go bonala mo o ka rego ke be ke kitima lefaufaung.

Mme a botšiša, "Bill, go diregile eng go wena?" Ke ile ka fetola, "Ga ke tsebe eupša ka nnete ke ikwela gabotse le go ba bohwefo." Ke be ke se sa kgona go dula ka ntlong botelele bjo bo itšego. Ke be ke swanelwa ke go ya ka ntle gomme ke kitime.

Ke ile ka tseba nako yeo gore ge Modimo a be a nyaka ke rera, O be a tla mphodiša. Ka fao ke ile ka ya kerekeng yeo e bego e dumela go tlotšo ka oli gomme ka fodišwa ka bjako. Ke ile ka bona nakong yeo gore barutiwa ba be ba na le selo se sengwe se bontšintšintši bja badiredi ba se nago naso lehono. Barutiwa ba ile ba kolobetšwa ka Moya wo Mokgethwa gomme ba kgona go fodiša balwetsi gomme ba dira mehlolo ye maatla Leineng la Gagwe. Ka fao ke ile

ka thoma go rapelela kolobetšo ya Moya wo Mokgethwa gomme ka o hwetša.

Letšatši le lengwe e ka ba dikgwedi tše tshela ka morago, Modimo o ile a mpha tumo ya pelo ya ka. O ile a bolela le nna ka Seetšeng se segolo, a mpotša gore ke ye ke rere gomme ke rapelele balwetši gomme O be a tla ba fodiša go sa kgathale gore ke bolwetši mang ba bego ba na le bjona. Ke ile ka thoma go rera le go dira seo A mpoditšego go se dira. Oo mogwera, nka se kgone go thoma go le botša ka moka tše tša go direga: Mahlo ao a bego a foufaditšwe a ile a bulega. Digole di ile tša sepela. Dikankere di ile tša fodišwa, gomme ka moka mehuta ya mehlolo e ile ya dirwa.



Letšatši le lengwe ka leotong la Spring Street, Jeffersonville, Indiana, ka morago ga tsošeletšo ya dibeke tše pedi, ke be ke kolobetša batho ba 130. E be e le letšatši la go fiša la Agosetose gomme fao go be go le e ka bago 3,000 ya batho ba le gona. Ke be ke swanelwa ke go kolobetša motho wa bo 17 ge ka moka ka pela ke ekwa lela la go homola, le lennyane Lentšu gape gomme la re, "Lebelela godimo." Lefaufau le be le swana le mphiri ka letšatši leo la Agosetose la go fiša. Re be re se ra ke ra ba le pula ye e itšego mo e ka bago dibeke tše tharo. Ke ile ka kwa Lentšu gape, gomme ka gona gape lekga la boraro la re "Lebelela godimo."

Ka lebelela godimo gomme kua gwa tla go tšwa lefaufaung naledi ye kgolo ya go phadima, yeo ke ilego ka e bona dinako tše ntši pele eupša yeo ke sego kake ke le botša ka yona. Dinako tše ntši ke

boditše batho ka yona e tšwelela gomme ba be ba no sega gomme ba re, "Bill, o no ba feela o eleletša seo. Goba mohlomongwe o be o lora." Eupša tumišang Modimo, ka ye nako O itaeditše ka Boyena ka go bonagala go bohole, ka baka la gore e tlie kgauswi kudu le nna ka se kgone le go bolela. Ka morago ga ge metsotswana e se mekae e fetile ke ile ka goelela gomme batho ba bantsi ba lebelela godimo gomme ba bona naledi feela ka godimo ga ka. Bangwe ba ile ba idibala mola ba bangwe ba goelela gomme ba bangwe ba tšabelia go tloga. Ka gona naledi e ile ya bowa morago ka lefaufaung gomme lefelo leo ya go tloga go lona e be e ka ba disekwere tša dikgato tše lesomethhano gomme lefelo la tšwela pele le sepela gomme le dubagana go rarela goba mo o ka rego maphotho a be a dikologa. Fao go ile gwa bopega ka lefelong le lero le lennyane le lešweu gomme naledi ya amogelwa godimo ka lerung le lennyane le.

Bjalo ka Johane Mokolobetši, moporofeta o hlatsetšwe ka meetseng a Kolobetšo.

Dipono di ile tša tšwela pele. O ile a botšwa ke bašomammogo ba baruti gore dipono tša gagwe di be di sa tšwe go Modimo. O ile a botšwa gore moyo wo mobe o be o mo swere. Seo se ile sa mo fa bothata ka go tiba. Morwalo o ile wa tla go ba wo mogolo go yena go o rwala, ka fao o ile a ya ka lešokeng go hwetša Thato ya Modimo. O be a ikgafile kudu go fihla ge a ena gore a ka se bowe ge a se na le karabo. E be e le kua, ngwakwaneng wa dikota wa go thea, fao Morongwa wa Morena a go mo fa thomo. Magareng ga dilo tše dingwe, Morongwa o mmoditše se: "Ge o dira batho gore ba go dumele, gomme wa hlokoefala ge o rapela, ga go selo se se tla emago pele ga dithapelo tša gago, le ge e le kankere."

Go kamaka ka moka go be go ile. Bjale o be a na le thomo gomme ka sebete a gatela pele. Tsošeletšo ya phodišo e ile ya thoma.

Makgolo a dikete a ile a tsenela dikhampheine tša Branham. Dikete di ile tša fodišwa Leineng la Morena Jesu Kriste. Baebangedi ba bangwe bjalo ka Oral Roberts, T.L.

Osborn, le A.A. Allen ka pela ba latela Ngwanešu Branham gomme ba thoma ditsošeletšo tša bona tša phodišo. Morena o ile a nešetša fase ditšhegofatšo tša Gagwe go swana le ka fao go sego gwa ke go eba pele. Seatla sa go fodiša sa Jesu Kriste se ile gape gatee sa kgwatha batho ba Gagwe.

“Ka mehla ke fele ke lla ka lethabo godimo ga mpho ya Modimo ya bjale go kereke ya ngwanešu morategi, William Branham, ka mpho ya gagwe ye botse ya phodišo. Ye ke taba ya Modimo a dira ka go fetiša ka botlalo ka godimo ga ka moka tše re ka di kgopelago goba ra di gopolā (Baef. 3:20), ka gore ga se kake ka bona goba ka bala eng kapa eng ye e lekanago le bodiredi bja phodišo bja William Branham.”

Mor. F.F. Bosworth, moebangedi wa go tsebega-lefaseng gomme yo mongwe wa botate ba go thoma kereke ya leina ya Assemblies of God gotee le mokgatlo wa Pentecost wa sebjalebjale.

“Ka mohlaleng wo mongwe, re ile ra mmogela a bolela le monna a robetše ka leakong. Mathomong go be go se na le leswao la bohlale la go araba go tšwa go monna. Thhathollo nakong yeo e ile ya tšwa go mosadi wa gagwe yo a bego a eme kgauswi, gore monna yoo o be a sa hwe feela ka kankere, eupša o be a le sefowa gomme o be a sa kgone go kwa seo se bego se bolelwa.

Ngwanešu Branham ka gona a re go be go tla ba bohlokwa go monna go hwetša go kwa ga gagwe gore a tle a kgone go mo laela mabapi le go fodiša kankere ya gagwe. Fao go ile gwa ba nako ya thapelo. Ka pela monna ke ge a kgona go kwa! Ye megolo ye metona megokgo ke ge e tokologa go theoga marama a monna yoo yo sefahlego sa gagwe manthapama ka moka se bego se se na le maitšweletšo gomme se sa phele. O be a theeleditše ka kgahlego ya go tiba ge a be a botšwa tokollo ya gagwe go tšwa go kankere.”

Mor. Gordon Lindsay, mongwadi wa go phethagatša, modiredi, le mothomi wa Christ For The Nations Institute.

“Ngwanešu Branham a re, ‘Monna wa Molekgotla o fodištšwe.’ Pelo ya ka ya taboga. Ke ile ka sepelela ka ntle gomme ka amogela Morena bjalo ka Mofodiši wa ka. Ke ile ka beela ka thoko dikota tša ka...gomme bokafase bja Legodimo bja wela ka ntle!”

William D. Upshaw, monna wa Molekgotla wa US (1919-1927), nkgetheng wa Boprisitente wa US 1932. O golofetše go tloga ge go wa go roba mokolo wa gagwe e sa le ngwana. O be a le 84 ge a fodišwa ka go felela go tšwa go thapelo ya Ngwanešu Branham, ka morago ga go ba segole mengwaga ye 66. Ga se a hlwe a nyaka setulo sa mabili goba dikota bophelo bja gagwe ka moka.

“Ke be ke le godimo ga mokolo wa ka mengwaga ye seswai le dikgwedi tše senyane ka T.B. gomme dingaka di be di nneetše godimo. Ke be ke se sa imele le ge ele diponto tše 50 gomme go be go bonala o ka re kholofelo ka moka e be e ile. Nako yeo go tšwa Jeffersonville, Indiana, gwa tla Mor. WM Branham ka ponong yeo a e bonego ya kwana ye e bego e swerwe ka lešokeng e lla ‘Milltown,’ e lego fao ke dulago. Ngwanešu Branham o be a se a ke a ba fa goba a tsebjä go mang kapa mang go tšwa fa. Ge a tlie ka gare, a bea diatla tša gagwe godimo ga ka gomme a rapela, a bitša godimo ga ka Leina la moratwa wa rena Morena Jesu. Selo se sengwe se ile sa bonagala se tše go ntshwara gomme gatee ke be ke le godimo ke leboga Modimo ka maatla a Gagwe a go fodiša. Bjale ke nna mmapadi wa piano ka kerekeng ya Baptist fa.”

Georgia Carter, Milltown Indiana, o ile a fodišwa T.B. ya magomo ka 1940 gomme ga se a ke a hlwe a tlaišega go tšwa go bolwetši bjo letšatši le lengwe ka bophelong bja gagwe. O emela dikete tše masome tša batho bao ba bego ba fodišwa ka bodiredi bja gagwe gomme bao ba fodišwago le lehono.

PILARA YA MOLLO

Ngwanešu Branham ka mehla o fela a hlalosa Pilara ya Mollo yeo e bego e hlatsetša bodiredi bja gagwe. E be e le gona tswalong ya gagwe, e bonwe ke dikete lebopong la Noka ya Ohio, gomme e be e bonagala o ka re e be e mo latela gohle mo a bego a eya. E be e le ka 1950 fao Morena a go fa mmogo badumedi le ba ba sa dumelogo ka go swana bohlatse bja gore Pilara ye ya Mollo e be e na le moporofeta.



Bošego bo be bo apešitšwe ke kgakgano ka Sam Houston Coliseum. Ngwanešu Branham ke ge a etile pele tsošeletšo ya phodišo yeo e bego e swiela naga. Ditšhegofatšo tša Morena Jesu di be di tšhologela ntle bjalo ka pula godimo ga mašemo a semoya a korong. Eupša maswao a magolo le dimaka ga se tšake di etla ntle le tshwaswalatšo. Go swana le ka mehla, lenaba le ile la emišetša kgakgano godimo. Maatla a

mabedi a ile a kopana ka Houston Texas, gomme Morongwa wa Morena ka Boyena o ile a tla fase gomme a lwa ntwa.

Ba dikete ba be ba šetše ba le gona go tla go hlatsela mehlolo ya go se balege yeo ya go latela monna yo wa Modimo. Letšatši pele, sehlopha sa badiredi ba tikologo ba ile ba hlohla moporofeta go tla ngangišanong ka phodišo ye Kgethwa, eupša tlhohlo ya wela godimo ga mogwera wa moporofeta wa go tšofala wa go botega, Moruti F.F. Bosworth. Ba bantši baswaswalatši ba be ba etilwe pele ke modiredi wa tikologo wa Baptist moswaswalatši wa go bolela wa phodišo ye Kgethwa. Ngangišano yeo e bego e etla e ile ya šwahlela go dikuranta, tšeо ka pela di ilego tša phatlatalatša methalohlogo, "Boya Bja Tša Boithutamodimo Bo Tla Fofa Ka 7 p.m. Lehono Ka Sam Houston Coliseum."

Moswaswalatši o ile a hira motšeadinepe wa phorofešene, Ted Kipperman wa Douglas Studios, go tla go nepa le go ngwala ngangišano. Thapama yeo, dinepe di ile tša tšewa le Ngwanešu Bosworth a eme ka go hlomphega mola moswaswalatši a eme ka maemo a go tšhošetša; nako ye nngwe ka monwana wa gagwe o thothobeditše ka sefahlegong sa monna wa go tšofala wa go kokobelā.

Ge ngangišano e thoma, Moruti Bosworth ka pela o ile a hlatsetša bonnete bja phodišo ye Kgethwa ka bohlatsē bja Mangwalo gomme ka gona, go se tlogele potšišo, o ile a kgopela ka moka bao ba ilego ba fodišwa mefokolong ya bona go ema. Dikete tša ema ka maoto a bona. Ka morago ga ge bao ba bego ba fodišitšwe ba tšere madulo a bona, a kgopela ge ka moka bao ba fodišitšwego ke phodišo ye Kgethwa e lego maloko a maemo a mabotse a kereke ya leina ya monna yo ba ka ema. Makgolo a mararo a maloko a kereke ba ile ba emelela gomme ka go ikgantšha ba pealatša mogau wo Morena Jesu a ba laeditšego wona.

Tlhohlo ka nako yeo ya tla go tšwa go moswaswalatši. "A nke mofodiši yo Mokgethwa yola a tle pele. A a dire." Ngwanešu Bosworth a bea pepeneneng gore Jesu e be e le Mofodiši yo Mokgethwa a nnoši, eupša lešata go tšwa go moswaswalatši la tšwela pele. Mafelelong, Ngwanešu Bosworth o ile a laletša Ngwanešu Branham go tla sefaleng. O ile a amogela taletšo gare ga legowa la thekgo.

Moporofeta, a tladitšwe ka Moya wo Mokgethwa, o ile a faphetolo ye e latelago:

Nka se kgone go fodiša yo motee. Se ke a se bolela. Ge ke be ke sa le ngwana ke belegwa godimo ka Nageng ya Kentucky, go ya ka mme wa ka morategi, gomme seo se hlatsetšwe go kgabola bophelo bja ka, fao go bile Seetša se se tlilego ka kamoreng ya lekubana le lennyane lela la kgale, fao le bego le le gona, go se na le lebato ka go lona, le se na le ge e le lefasetere fao, ba be ba na le se sennyane sa lefasetere fao, bjalo ka lemati le lennyane, gomme ba be ba le kgorometša go le bula e ka ba ka iri ya bohlano ka masa, gomme Seetša se se ile sa dikologela ka gare feela ka ge e be e le go tšwelela ga letšatši. Go tloga nako yeo, Se bile le nna. Ke Morongwa wa Modimo. O gahlane le nna ka sebele



mengwaga e sego mekae ya go feta. Go theogela go kgabola bophelo bja ka, O mpoditše dilo tše di diregilego, gomme ke di boletše feela ka fao A mpoditšego. Gomme ke hlohla mang kapa mang lefelong lefe kapa lefe, gore a ye toropongkgolo fao ke godišitšwego, kapa mo gohle gape, gore setatamente se kile sa dirwa ka Leina la Morena, eupša se se tliego tlwa ka tsela yeo se rilego se tla ba.

Ka morago ga ge a boletše mantšu ao, Moya wo Mokgethwa o ile wa wela godimo ga sefala, gomme motšeadinepe yo a bego a thantshetšwe a nepa senepe. Ngwanešu Branham o ile a tlogela sefala ka se se bonolo, eupša e le setatamente sa seporofeto: *"Modimo o tla paka. Nka se bolele gape."*

Mošomi mmogo wa Mna. Kipperman ka pela o ile a ya go šoma go tšweletša dinepe tša ditaba tša moso wo o latelago. O ile a lemoga selo se sengwe sa go se tlwaelege ge a goga seswantšho sa mathomo go tšwa go motswako wa go tšweletša. Se, bjalo ka tše di latelago tše tlhano diswantšho, se be se se na le selo. O ile a swara pelo ya gagwe gomme a wela pele ge a goga segatišwa sa mafelelo go tšwa go motswako. Fao, godimo ga seswantšho sa mafelelo, go be go le Pilara ya Mollo ka sebopego sa go bonagala e khutšitše bokagodimo ga hlogo ya moporofeta wa Modimo, William Marrion Branham.

Bana ba Israele ba ile ba hlatsela Pilara ya Mollo e etile Moshe pele, gomme batho ba letšatši le la sebjalebjale ba hlatsetše Pilara ya Mollo ye e swanago e etile pele moporofeta yo mongwe gape.

Seswantšho ka pela se ile sa bušetšwa kua go George J. Lacy, Mohlahlofi Wa Profesene wa Ditokomane Tše Di Botšišwago tša U.S. F.B.I., yo a ilego a hlatsela senepe ka kgopolو ya gagwe ya bokgoni. Tokomane ya semmušo ye e tšweleeditšwego ke Mohlomphegi Lacy e ka letlakaleng le le latelago.

Se e bile bottelele pele dikhomphutha goba dikhamera tša dititšitale, gomme e be e ka se kgone go hlathollwa ka mekgwa ye e itšego ya go tsebjia ka saentshe, go no feta gore fao go be go le Seetša sa mmakgonthe bokagodimo ga hlogo ya William Branham. Lehono seswantšho seo se ka kcona go bonwa ka United States Library Of Congress, ka mošate wa setšhaba, Washington DC.

George J. Lacy
Molekodi wa Tokomane ye e Botšišwago
Shell Building
Houston, Texas

Janaware 29, 1950

P E G O L E K G O P O L O

Ka: Morithi wo o Botšišwago

Ka Janaware 28, 1950 ka kgopelo ya Moruti Gordon Lindsay, yo a bego a emetše Moruti William Branham wa Jeffersonville, Indiana, ke amogetše go tšwa go Douglas Studios sa 1610 Rusk Avenue ka toropongkgolo ye, filimi ya diswantšho ya 4x5 intšhi ye e tšweleditšwego le go bonatšwa. Filimi ye e bolelwa go be e dirilwe ke ba Douglas Studios ya Moruti William Branham ka Sam Houston Coliseum ka toropongkgolo ye, nakong ya ketelo ya gagwe fa karolong ya morago ya Janaware, 1950.

K G O P E L O

Moruti Lindsay o kgopetše gore ke dire tekolo ya sesaentshe ya morithi wo o boletšwego pele. O kgopetše gore ke senkasenke, ge go kgonega, ge e ba go bjalo goba aowa go ya ka kgopelo ya ka morithi o kgwathilwe-gape goba o “fetošitšwe” ka tsela efe go efe, ka morago ga go tšweletša filimi, seo se bego se ka hlola gore mothaladi wa seetša o tšwelele ka leemo la ntikudiku bokagodimo go hlogo ya Moruti Branham.

T E K O L O

Tekolo ya bopepetla ntle le maekorosekoupu le ya go tsenelela ya maekorosekoupo e dirilwe ya bokantle ka moka bja mahlakore ohle a filimi, yeo e bego e le Filimi ya Eastman Kodak Safety. Mahlakore ohle a filimi a ile a lekolwa ka fase ga mohlotlo wa seetša sa maphotho-telele gomme diswantšho tša maphotho-hubedu di ile tša dirwa tša filimi.

Tekolo ye go tsenelela ya maekorosekoupo e feitše go utolla go kgwathwa gape ga filimi lefelong lefe ka lefe ka eng kapa eng ka ye nngwe ya ditirotšweletšopele tše di šomišitšwego ka kgwathong gape ya kgwebo. Gape, tekolo ya go tsenelela ya maekorosekoupo e feitše go utolla tšhičo efe kapa efe ya motswako ka gare goba go dikologa mothladi wa seetša wo o botšišwago.

Tekolo ya maphotho-telele e feitši go utolla selo sefe goba sefe seo se sego sa tlwaelega, goba dipolo tša tiragalo efe kapa efe ya dikhemikhale ka mahlakoreng ka moka a morithi, yeo e ka bego e hlotše mothladi wa seetša, ka morago ga go tšweletša morithi.

Seswantšho sa maphotho-hubedu le sona se feitše go fa tshedimošo ya eng kapa eng yeo e bego e ka laetša gore kgwatho gape ye e itšego e dirilwe go filimi.

Tekolo gape e feitši go utolla selo sefe kapa sefe seo se bego se ka laetša gore morithi wo o botšišitšwego e be e le morithi gabedi goba o bile le ponagatšo gabedi ya morithi.

Fao ga se gwa ba selo seo se bego se ka laetša gore mothladi wa seetša wo o botšišwago o dirilwe nakong ya tiragalotšweletšopele ya tšweletšo. Gape ga go selo sefe goba sefe se se hweditšwego seo se bego se ka laetša gore o be o se wa tšweletšwa ka mokgwa wa mehleng wo o dumelitšwego. Fao ga go selo se se hweditšwego ka go dielaboina tša go bapetšwa tša difatshedimošo tše di bego di se kwanong.

K G O P O L O

Ka go thekga godimo ga tekolo ye e hlalošitšwego ka godimo le go ithuta ke na le kgopolو ye e feleletšego gore morithi wo o tlišitšwego go lekolwa, ga se wa kgwathiwa gape e bile e be e se morithi wa gabedi goba wa ponagatšo gabedi.

Go feta fao, ke na le kgopolو ye e feleletšego gore mothladi wa seetša wo o tšweletšego bokagodimo ga hlogo ka leemo la ntikudiku o hlotšwe ke seetša ge se ratha morithi.

Neetšwe ka tlhompho ya go tlala.

DIPHIRI TŠE DI UTOLOTŠWEGO

Peleng ka bodireding bja Ngwanešu Branham go bile molaleng gore lenaneo la kereke tša maina le agilwe go godiša mekgatlo ya bodumedi, gomme e sego Ebangedi ya therešo. Ngwanešu Branham o be a dumela Beibele Lentšu ka Lentšu, gomme o be a sa khomphoromaese, le ge go be go e ra gore a ngalwe ke badirišane mmogo, bagwera, goba moloko.

Ge e be e sa le leloko la Kereke ya Baptist ya Baromiwa, o ile a botšwa gore a hlomamiše badiredi ba basadi. Go le bjalo, o be a tseba Mangwalo ka moka gabotse kudu. I Timothi 2:12 pepeneneng e re, “*Eupša ga ke dumelele mosadi go ruta, le go tšea taolo godimo ga monna, eupša a ba homole,*” le I Bakorinthe 14:34 e re, “*A basadi ba lena ba homole ka dikerekeng: ka gore ga ba dumelelwa go bolela...*” Se e be e se selo kgahlanong le basadi, eupša Beibele e be e le ka boso le bošweu ka thuto. Ge taelo e filwe, o ile a seke a khomphoromaesa ka fao a tlogela kereke.

Leo e be e se Lengwalo le nnoši leo ka go felela le bego le sa šetšwe ke dikerekke tša maina ka go felela. Morena o utolotše thereso ka kolobetšo go Ngwanešu Branham. Jesu a ka kgona bjang go laela, “*Eyang ka gona, gomme le rute ditšhaba ka moka, ka go ba kolobetša leineng la Tate, le la Morwa, le la Moya wo Mokgethwa,*” go le bjalo kolobetšo ye nngwe le ye nngwe yeo e ngwadilwego ka Beibeleng e bile go la Jesu Leina? Moapostola Petro o laetše ka go Ditiro 2:38 go ***sokologa le go kolobetšwa Leineng la Jesu Kriste.*** Mangwalo a šoma ka botee bjo bo phethagetšego, eupša go tšere moporofeta go utolla sephiri se: “Tate” ga se leina, “Morwa” ga se leina, le “Moya wo Mokgethwa” ga se leina. Go no swana feela monna yo motee ke tatago bana ba gagwe, morwa

wa batswadi ba gagwe, le ngwanešu go bana babo, go le bjalo leina la gagwe ga se “tate,” “morwa,” goba “ngwanešu.” Tate, Morwa, le Moya wo Mokgethwa ke dithaetlele tša Leina la Jesu Kriste. Mateo 28:19 le Ditiro 2:38 di tlie ka peakanyong ya go phethagala.

Le sebe sa setlogo ka Tšhemong ya Edene se ile sa utollwa, e sego go ja kenywa, eupša selo se sengwe sa go senya go fetiša kudu. Go ja seripana sa kenywa go be go kgona bjang go utolla ka pela go Adama le Efa gore ba be ba ponoka? Ga bonolo ga e dire kgopolu. Apola e na le eng go dira le go ponoka? Moporofeta wa Modimo ka go bea pepeneneng o utolotše sephiri se.

Ke bo mang barongwa ba ba bolelwago ka go Kutollo tema ya 2 le 3? Maina a bona a ka no kwagala a tlwaelegile.

Ke bo mang banamedi ba dipere ba sephiri ba Kutollo 6? Ba na le selo se setee se se bohlokwa kudu sa go swana.

A United States e a bolelwa ka Pukung ya Kutollo?

144, 000 ke bo mang bao ba go phološwa ka go tema ya 7?

Ke mang seotswa se segolo sa tema ya 17? Boitsebišo bja gagwe le ka moka diphiri tše di utolotšwe ka Molaetšeng wa moporofeta yo maatla yo a romilwego go tšwa go Modimo.

E sego feela gore mehlolo ya go se balege e latela monna yo, eupša diphiri tše di bego di utilwe ka Beibeleng go kgabola mabaka le tšona di ile tša utollwa ka bodireding bja gagwe. Go tlie gwa ba molaleng gore moporofeta yo o phethagaditše Mangwalo a mantšintši go feta Maleaki 4.

Kutollo 10:7: Eupša matšatšing a morongwa wa bošupa, ge a tla thoma go letša, sephiri sa Modimo se tla be se fedile, bjalo ka ge a se boditše bahlanka ba gagwe baporofeta.

Lentšu le goellela ntle go ya lefaseng gore le tšwele ka ntle ga dikereke tša maina le go boela morago go Lentšu la Modimo la setlogo. Yo mongwe le yo mongwe wa rena o na le sebakabotse se se swanago seo Petro, Jakobo, le Johane ba bilego naso. Re na le sebaka sa go balwa le bahlaolwa ba Modimo ba e sego ba kae bao ba ka se khunamelelego mekgatlo ya bodumedi ya letšatši.

Lengwalo le Lekgethwa le bega maphelo le ditiro tša banna bao ba ilego ba sepela le Modimo gomme ba be ba tloditswe kudu ke Moya wa Gagwe go fihla ba bolela GO RIALO MORENA, gomme mantšu a bona a ile a tiišetšwa ka maswao ao a sa wego le dimaka. Ba be ba le baporofeta ba Modimo, le Lentšu la Modimo go moloko wa bona.

A dinako di a fapanabjale go feta ka fao di bego di le ka gona ge Jesu a be a le fa? E bile baetapele ba bodumedi ba ba go Mmapola. Barutiwa e be e le ba sego nene ba bannyane magareng ga tshephedišo ye kgolo ya bodumedi. Ba ile ba ngwalwa, ba kwerwa, gomme morago ba bolaelwa go tšea leemo kgahlanong le moelamogolo wa tshepedišo ya bodumedi. Re ka no se bolaelwe ditumelo tša rena lehono, eupša ka nnate re a tlaišwa. Bjalo ka Bafarasei le Basadutsei, ga ba kgone go gana mehlolo yeo e bego e latela bodiredi bja Ngwanešu Branham ka fao ba retologela go dithaselotše dingwe. Le ka no kwa gore e be e le moporofeta wa maaka, moetapele wa bodumedi bja motho, goba mo go be kudukudu. Ka nnate, e be e le monna wa go kokobela wa Modimo yo a bego a eme ka go tia kgahlanong le taolo ya go se ineele yeo dikereke tša maina le ditumelo tša batho di nago le yona godimo ga batho ba Modimo. Ba ile ba hlasela Jesu ka tsela ye e swanago ge A be a eme kgahlanong le dithutotayo tša bona le ditšo.

Modimo o ile a hlompha go ikgafa ga Ngwanešu Branham go dumela Lentšu le lengwe le le lengwe

ka Beibeleng, gomme O šomiša bodiredi bja gagwe go etapele disoulo tše dimilione go tla go Jesu Kriste. Lehono, Lentšu la Morongwa wa Bošupa le kwagala ntle kudu ka fao Le bego le dira. E ka ba dimilione tše pedi tša batho lefaseng ka bophara ba dumela Molaetša wa Ngwanešu Branham. Ye e ka no ba ba ba sego nene ba bannyane go ba dipilione tše pedi ba ba tteleimago Bokriste, eupša ke neg fao batho ba Modimo ba sego ba ke ba ba ka bonnyaneng ka palo?

Re na le dithero tša go feta 1,200 tše di gatišitšwego di swerego Lentšu leo le porofetilwego go tla ka go Kutollo 10:7. Ye nngwe le ye nngwe ya dithuto tše e notlolla diphiri tše di fetišago tša Modimo. Lentšu leo le gona go wena ge o rata go Le kwa.

KGETHO KE YA GAGO

Ga go nako le e tee fao ke tlišitšego molaetša go batho gore ba ntatele, goba ba tšoene kereke ya ka, goba ba thome kopanelo ye e itšego le mokgatlo. Ga se kake ka dira seo gomme nka se dire seo bjale. Ga ke na le kganyogo ka dilong tše, eupša ke na le kganyogo ka dilong tša Modimo le batho, gomme ge nka kgonna go phethagatša selo se setee feela ke tla kgotsofala. Selo se setee seo ke go hloma tswalano ya therešo ya semoya gare ga Modimo le batho, fao batho ba tlago go ba dibopiwa tše mpsha ka go Kriste, ba tlatšwa ka Moya wa Gagwe gomme ba phela go ya ka Lentšu la Gagwe. Ke be ke tla laletša, go kgopela le go sebotša ka moka go kwa lentšu la Gagwe nakong ye, gomme le neele maphelo a lena ka go felela go Yena, bjalo ka ge ke tshepha ka pelong ya ka gore ke neetše tša ka ka moka go Yena. Modimo a le šegofatše, gomme a nke go tla ga Gagwe go thabiše pelo ya gago.

Mor. William Marrion Branham

METHOPO

JESU KRISTE KE MODIMO (BOMODIMO)

EKS 20:3	O seke wa ba le medimo ye mengwe pele ga ka.
JESAYS 9:6	Ka gore re tswaletšwe ngwana, re neilwe morwa: gomme pušo e tla godimo ga legetla la gagwe: gomme leina la gagwe o tla bitšwa Matete, Moeletši, Modimo yo maatla, Tate wa ka go sa felego, Kgoši ya Khutšo.
MAT 1:23	Bonang, kgarebe e tla ba le ngwana, gomme e tla tliša pele morwa, gomme ba tla bitša leina la gagwe Emmanuel, ge le hlathollwa ke gore, Modimo o na le rena.
JOHANE 1:1	Mathomong go be go le Lentšu, gomme Lentšu o be a le go Modimo, gomme Lentšu e be e le Modimo.
JOHANE 1:14	Gomme Lentšu la dirwa nama, gomme la dula magareng ga rena, (ra bogela letago la gagwe, letago la motswalwaeši wa Tatagwe,) motlala kgaugele le therešo.
JOHANE 4:24	Modimo ke Moya: gomme ba ba mo direlago ba swanetše go mo direla ka moyo le ka therešo.
JOHANE 5:43	Ke tla leineng la Tate wa ka, gomme ga le nkamogele: ge yo mongwe a ka tla leineng la gagwe mong, yena le tla mo amogela.
JOHANE 8:19	Ka gona ba re go yena, Tatago o kae? Jesu a araba, Lena ga le ntsebe, le ge e le Tate wa ka: ge nkabe le ntsebile, nkabe le tsebile le Tate wa ka gape.
JOHANE 10:30	Nna le Tate wa ka re batee.
JOHANE 12:45	Gomme yo a bonago nna o bona yo a nthomilego.
JOHANE 14:8-9	Filipi a re go yena, Morena, re laetše Tate, gomme se tla re kgotsofatša. Jesu a re go yena, Ke bile le lena nako ye telele ka mokgwa wo, gomme go le bjalo ga o ešo wa ntseba, Filipi? yo a bonego nna o bone Tate; gomme o bolela bjang ge o re, Re laetše Tate?
JOHANE 20:28	Gomme Thomase a fetola gomme a re go yena, Morena wa ka le Modimo wa ka.
DITIRO 2:36	Ka fao a nke ntlo ka moka ya Israele e tsebe ka nnete, gore Modimo o dirile Jesu yo a swanago yo, yoo le mmapotšego, mmogo Morena le Kriste.
DITIRO 9:4-5	Gomme a wela fase, gomme a kwa lentšu le re go yena, Soulo, Soulo, ke ka lebaka la eng o ntlaiaša? Gomme a re, Ke wena mang, Morena? Gomme Morena a re, Ke nna Jesu yo o mo tlaišago: go tla ba bothata go wena go raga kgahlanong le seotledi.
BAEF 4:5	Morena ke yo motee, tumelo ke e tee, kolobetšo ke e tee,
BAK 1:13-17	Yo a re lokolotšego maatleng a leswiswi, gomme a re fetolela ka mmušong wa Morwa moratwa wa gagwe: Yo re nago le tokologo ka yena ka madi a gagwe, le tebalelo ya dibe: Yo e lego seswantšho sa Modimo yo a sa bonwego, leitšibulo la sebopiwa se sengwe le se sengwe: Ka gore dilo di hlodilwe ka yena, tše di lego legodimong, le tše di lego lefaseng, tše di bonwago le tše di sa bonwego, e ka ba ditulo tša bogoši, goba pušo, goba mebušo, goba maatla: dilo tše di hlotšwe ke yena, gomme di hloletšwe yena: Gomme o bile pele ga dilo tšohle, gomme tšohle tša ba gona ka yena.

BAK 2:6-9	Bjalo ka ge le amogetše Kriste Jesu bjalo ka Morena, ka fao sepelang ka go yena: Le tsemile medu le agile godimo ga gagwe, gomme le hlomilwe tumelong, go ya ka fao le rutilwego, le le ba go leboga ka botlalo. Le phafoge go se be motho yo a kago go le senya ka bohlale le phoro ya lefeela, ka go ya ka ditšo tša batho, ka dithuto tša mathomo a lefase, gomme e se go ya le Kriste. Ka gore ka go yena go agile ka moka botlalo bja Bomodimo ka lebopo la mmele.
BAH 13:8	Jesu Kriste wa go swana maabane, le lehono, le ka gosafelego.
I JOHANE 5:7	Ka gore go na le ba bararo ba ba fago bohlatse legodimong, Tate, Lentšu, le Moya wo Mokgethwa: gomme ba bararo ba ke o tee.
KUT 1:8	Ke nna Alefa le Omega, mathomo le pheletšo, go rialo Morena, yo a lego gona, yo a bego a le gona, yo a tlago, Ramatlaohle.

(KOLOBETŠO YA MEETSE)

MAT 28:19	Eyang ka gona, gomme le rute ditšhaba ka moka, ka go ba kolobetša leineng la Tate, le la Morwa, le la Moya wo Mokgethwa:
MAREKA 16:16	Yo a dumelago gomme a kolobetšwa o tla phološwa; eupša yo a sa dumelelego o tla lahlwa.
DITIRO 2:38	Ka gona Petro a re go bona, Sokologang, gomme le kolobetšwe yo mongwe le yo mongwe wa lena leineng la Jesu Kriste e be go lebalelwaa dibe, gomme le tla amogela neo ya Moya wo Mokgethwa.
DITIRO 4:12	Ga go phološo go yo mmongwe: ka gore ga go leina le lengwe ka tlase ga legodimo le le filwego magareng ga batho, leo ka lona re swanetšego go phološwa.
DITIRO 8:12	Eupša ge ba dumetše Filipi a rera dilo tše di amanago le mmušo wa Modimo, le leina la Jesu Kriste, ba ile ba kolobetšwa, mmogo banna le basadi.
DITIRO 19:3-5	Gomme a re go bona, Le kolobeditše ka efe? Gomme ba re, Ka kolobetšo ya Johane. Ka gona Paulo a re, Johane ruri o kolobeditše ka kolobetšo ya tshokologo, a botša batho, gore ba swanetše go dumela go yo a bego a tile go tla ka morago ga gagwe, ke gore, go Kriste Jesu. Ge ba ekwa se, ba ile ba kolobetšwa leineng la Morena Jesu.
BAEF 4:5	Morena ke yo motee, tumelo ke e tee, kolobetšo ke e tee.
BAK 3:17	Gomme tšohle tše le di dirago ka lentšu goba ka modiro, di direng ka moka leineng la Morena Jesu, le neele Modimo le Tate ditebogo ka yena.

METHOPO

BAPOROFETA

NUM 12:6	Gomme a re, Ekwang bjale mantšu a ka: Ge go na le moporofeta magareng ga lena, Nna MORENA ke tla itira ka bona go tsebja ke yena ka pono, gomme ke tla bolela le yena ka toro.
DEUT 18:21-22	Gomme ge o re ka pelong ya gago, Re ka tseba bjang lentšu le MORENA a sego a le bolela? Ge moporofeta a bolela ka leina la MORENA, ge selo se sa latele, goba se sa tle go phethega, seo ke selo se MORENA a sego a se bolela, eupša moporofeta o se boletše ka go nagana: le seke la mmoifa.
I DIKOR 16:20-22	Gomme ge ba tlogile go tšwa go setšhaba go ya go setšhaba, le go tšwa go mmušo go ya go batho ba bangwe; Ga se a ke a dumelela motho yo mongwe go ba dira bošoro: ya, o sotše magoši ka baka la bona, A re, Le seke la kgwatha batlotšwa ba ka, gomme le seke la gobatša baporofeta ba ka.
PSALM 105:12-15	Ge ba be ba le eupša banna ba se nene ka palo; ya, ba se nene kudu, gomme e le basetsebje ka go yona. Ge ba tlogile go tšwa go setšhaba go ya go se sengwe, go tšwa go mmušo wo motee go ya go batho ba bangwe; Ga se a ke a dumelela motho yo mongwe go ba dira bošoro: ya, o sotše magoši ka baka la bona; A re, Le seke la kgwatha batlotšwa ba ka, gomme le seke la gobatša baporofeta ba ka.
AMOSE 3:7	Ka nnete Morena MODIMO a ka seke a dira selo, eupša o utolla sephiri sa gagwe go bahlanka ba gagwe baporofeta.
MAL 4:5	Bonang, Ke tla le romela Eliya moporofeta pele ga go tla ga letšatši le legolo le le šiišago la MORENA:
LUKA 1:70	Bjalo ka ge a boletše ka molomo wa baporofeta ba gagwe ba bakgethwa, tše di bego di le gona go tloga mola lefase le thomago:
LUKA 24:25	Gomme a re go bona, O mašilo, ba dipelo tša go neneka go dumela ka moka tše baporofeta ba di boletšeego:
DITIRO 7:52	Ke ofe wa baporofeta yo batataweno ba sego ba mo tlaiša? gomme ba ba bolaile bao ba laeditšeego pele go tla ga Moloki yo Motee; yo le lena bjale le bilego baeki le babolai ba gagwe:
DITIRO 24:14	Eupša se ke se bolela go lena, gore ka tsela ye ba e bitšago bošilo, ke ka fao ke direlago Modimo wa botate wa ka, ke dumela dilo ka moka tše di ngwadilwego molaong le ka baporofeteng:
BAEF 2:20	Gomme le agišitšwe godimo ga motheo wa baapostola le baporofeta, Jesu Kriste ka boyena ke lebjie le legolo la sekhutlo;
BAH 1:1-2	Modimo, yo nakong tša kgale o boletšeego le botatawešu nakong ye e fetilego ka mekgwa ya go fapania ka baporofeta, Mo matšatšing a mafelelo o boletše le rena ka Morwa wa gagwe, yo a mmeilego go ba mojabohwa wa dilo ka moka, yo ka yena gape a dirilego mafase;

MEHLOLO/ PHODIŠO YE KGETHWA

DEUT 26:8	Gomme MORENA o re tlišitše go tšwa Egepeta ka seatla se se maatla, le ka letsogo le le otlologetšego ntle, le ka tše kgolo tše di šiišago, le ka maswao, le ka dimaka:
BAAHLODI 6:13	Gomme Gideone a re go yena, Oo Morena wa ka, ge MORENA a na le rena, ke ka lebaka le eng ge tše ka moka di re wela? e kae mehlolo ka moka ye botatawešu mogolo ba re boditšego yona, ba re, A MORENA ga a re tliša godimo go tšwa Egepeta? eupša bjale MORENA o re tlogetše, gomme o re gafetše diatleng tše Bamediane.
PSALM 103:3	Yo a go lebaletšego makgopo a gago ka moka; yo a fodišitšego malwetši a gago ka moka;
JESAYA 53:5	Eupša o hlabilwe ka baka la dikarogo tša rena, o tlapiigrantšwe ka baka la makgopo a rena: kotto ya khutšo ya rena e bile godimo ga gagwe; gomme ka megogoma ya gagwe re fodišitšwe.
DANIELE 11:32	Gomme ba ba dirago bobe kgahlanong le kgwerano e tlo ba senya ka maano: eupša batho ba ba tsebago Modimo wa bona ba tla ba le maatla, gomme ba tla dira tše kgolo.
MAREKA 16:17-18	Gomme maswao a tla latela bona ba ba dumelago; Leineng la ka ba tla rakela bodiabolo ntle; ba tla bolela ka maleme a maswa; Ba tla tšeela diserpente godimo; gomme ge ba nwele eng kapa eng se se bolayago, se ka seke sa be sa ba gobatša; ba tla bea diatla godimo ga balwetši, gomme ba tla fola.
JOHANE 14:12	Ruri, ruri, ke re go lena, Yo a dumelago go nna, mediro ye ke e dirago o tla e dira le yena; gomme ye megologolo mediro go feta ye o tla e dira; ka gore ke ya go Tate wa ka.
DITIRO 19:12	Ka fao go tšwa mmeleng wa gagwe gwa tlišwa disakatuku goba dithethwana go balwetši, gomme malwetši a tloga go bona, gomme meoya ye mebe ya tšwela ka ntle ga bona.
I BATH 1:5	Ka fao ebangedi ya rena ga ya tla go lena ka lentšu feela, eupša gape le ka maatla, le ka Moya wo Mokgethwa, le ka netefatšo ye ntši; bjalo ka ge le tseba mohuta wa batho bao re bego re le bona magareng ga lena bakeng sa lena.
JAKOBO 2:18	Ya, motho a ka no re, O na le tumelo, gomme nna ke na le mediro: ntaetše tumelo ya gago ntle le mediro ya gago, gomme nna ke tla go laetša tumelo ya ka ka mediro ya ka.
JAKOBO 2:20	Gomme a o tla tseba, O motho wa lefeela, gore tumelo ntle le mediro e hwile?
JAKOBO 5:14-15	A yo mongwe magareng ga lena o a babja? a a bitše bagolo ba kereke; gomme a ba rapele godimo ga gagwe, ba mo tlotše makhura leineng la Morena: Gomme thapelo ya tumelo e tla pholosa molwetši, gomme Morena o tla mo tsoša; gomme ge a dirile dibe, ba tla di lebalelwaa.
JAKOBO 5:16	Ipoleleng diphošo yo motee go yo mongwe, gomme le rapelelaneng yo motee go yo mongwe, gore le fodišwe. Thapelo ye maatla ya tlhokofalo ya monna wa moloki e tla tliša tše kgolo.
I PETER 2:24	Yo ka boyena mong a rwelego dibe tša rena ka mmeleng wa gagwe mong godimo ga mohlare, gore rena, ba re hwetšego dibeng, re phele ka toko: yo re fodišitšwego ka megogoma ya gagwe.

METHOPO

MOYA WA ELIYA

II DIKGOŠI 2:15	Gomme ge barwa ba baporofeta bao ba bego ba swanetše go bogela Jeriko ba mmone, ba re, Moya wa Eliya o khutšitše godimo ga Elisa. Gomme ba tla go mo gahlanetše, gomme ba khunamela fase ka bobona pele ga gagwe.
JESAYA 40:3-4	Lentšu la yo a goelelang lešokeng, Lokišang lena tsela ya MORENA, dirang go otlologa ka leganateng tsela ya lephefo ya Modimo wa rena. Moedi wo mongwe le wo mongwe o tla phagamišwa, gomme thaba ye nngwe le ye nngwe le meboto di tla kokobetšwa: gomme mo go kgopamilego go tla otlolwa, gomme mo go lego makukuno go tla latšwa:
MAL 3:1	Bonang, Ke tla romela motseta wa ka, gomme o tla lokiša tsela pele ga ka: gomme Morena, yo le mo nyakago, ka pela o tla tla tempeleng ya gagwe, yena motseta wa kgwerano, yo le mo thabelago: bonang, o tla tla, go realo MORENA wa mašaba.
MAL 4:5-6	Bonang, Ke tla le romela Eliya moporofeta pele ga go tla ga letšatši le legolo la go šiiša la MORENA: Gomme o tla bušetša pelo tša botate go bana, le pelo tša bana go botatago bona, go sego bjalo ke tla tla gomme ka otla lefase ka thogako.
MAT 11:10 (Mareka 1:2, Luka 7:27)	Ka gore yo ke yena, yo go ngwadilwego ka yena, Bonang, Ke roma motseta wa ka pele ga sefahlego sa gago, yo a tlago go lokiša tsela ya gago pele ga gago.
MAT 11:14	Gomme ge le ka e amogela, yo ke Eliase, wo a bego a swanetše go tla.
MAT 17:11-12	Gomme Jesu a fetola gomme a re go bona, Eliase ka nnete o swanetše go tla pele, gomme a bušetše dilo tšohle. Eupša Ke a le botša, Gore Eliase o šetše a tile, gomme ga se bake ba mo tseba, eupša ba dirile go yena eng kapa eng se se boletšwego. Ka wona mokgwa woo Morwa motho le yena o tla tlaišwa ke bona.
LUKA 1:17	Gomme o tla ya pele ga gagwe ka moya le ka maatl a Eliase, go bušetša dipelo tša botate go bana, le baganetši go bohlale bja baloki; go dira batho go lokela go itokišetša Morena.
LUKA 3:4 (Mat 3:3, Mareka 1:3, Johane 1:23)	Bjalo ka ge go ngwadilwe ka pukung ya mantšu a Jesaya moporofeta, a rego, Lentšu la yo a goeletšago lešokeng, Lokišang lena tsela ya Morena, dirang mmila wa gagwe o otlooge.

Go hwetša tshedimošo ka botlalo ka bodiredi
bja Moruti William Marrion Branham le ka fao
o ka hwetšago dithero tša gagwe, ka kgopelo
kgwatha:

www.molaetsa.net

goba

Voice Of God Recordings Inc.

South Africa Office

58 Disa Road, Admiral's Park, Gordon's Bay
7140 Western Cape, Republic Of South Africa

+27 (21) 8563110

www.branham.org

www.molaetsa.net

NORTH SOTHO
